

Ginhsiu:

Gya Ak Bonjsaeh Guhfwen Fatyiengz Vwnzva Fwen

11 nyied 24 hauh daengz 26 hauh, youq Ginhsiu Yauzcuz Swciyen, Gvangjsih Ginzung Yisuzgvaj banh le bi 2020 baenz roix hanghmoeg hozdung bae daezsang gij naengzlig guhfwen Gvangjsih “sam gih” vwnzva vunzcaiz. Gij hozdung neix dwg vihliux daezsang gij suijbingz guhfwen canghfwen ndawbiengz daengx gih, doidoengh vwnzva fwen gih raeuz cienziep caeuq hwngfat. Daengx gih gak dieg miz 80 lai boub canghfwen camgya hozdung. Cinz Giuhungz boubveicangj caephengz Gvangjsih Hawfwen Hezvei caeuq Cinz Siengzcouh boub cungibenheiz Gvangjsih Sam Nyied Sam Cazcise hawj gyoengq yozyenz hwnjdangz: 《Guhfap Fwen Sizcwn》《Yawjngonz Caeuq Cekgej Fwen Gvangjsih》. Yienhciengz lij banh aen hoihcaezangq canghfwen, aeu “eu fwen ma lwnhgangj Daih Cibgouj Gaiq Haj Cung Cienzhohi cingsaenz”、“eu gij ndwenngoenz moq siujganh vunzlai” guh cawjdaez bae bien fwen. Lauxsae itmienh son gij cihsiz lijhun, itmienh guh yiengh eu hawj gyoengqvunz dingq, gyoengq yozyenz mbangj gag eu mbangj habciengq, doq hag doq bien, yienhciengz doiqfwen, gij fwnhvez goqdangz gig nauhyied.

(Se Cunghgoz/谢中国)



▲ Gyoengq canghfwen caeuq lauxsae hab'ing louzniemh.



▲ Vunzlai gingz cenj caez hoh ciet fungsou.

Denzyangz:

Duetgungz Fungsou Gyoengqvunz Angq

11 nyied 24 daengz 26 hauh dwg liggaueq cib nyied cocib daengz cibngeih, Bwzswz Si Denzyangz Gih Denzcouh Cin Fungmax Cunh Mbanjmoqmax banh aen ciet fungsou cienzoengj. Cocib gak ranz gag loengh gwn, ranzranz hohhoh guh ceiz guh dwk nauhyied oen'oen, nda baenz geij daiz byaek cingj caencik baengzyoux daeuj gwn ngaiz gwn laeuj; cib'it hix daengx mbanj itheij loengh gwn, boubxai mehmbwk, boubxauz lwnyeiz cungj youq laj gofaex geq cungqgyang mbanj doxcomz, mbangj boub cix loengh gij byaek bakranz, mbangj hix nda daizheiq, hawj gyoengqvunz daeuj gwn ngaiz haenx itmienh gwn itmienh ngonzyawj minzsuz biujyienj, lumjbaenz fouxlunz fouxsaeciej, eu fwen, ram giuhva byaij daengj; cibngeih dwg gwn “laeuj sat daiz”, ngoenzde gij haeuxbyaek yaek gwn seuqliux cijndaej, doq gwn doq cunggez gij hozdung bineix miz maz guh mbouj ndei, bimoq caiq gaijndei. Gyawj geij bi neix daeuj, gyoengqvunz Denzyangz Gih gvaq cietfungsou yied daeuj yied nauhyied, neix cungj dwg gij goenglauz duetgungz gunggeng dangdieg. Daegbied dwg mak-gaivaiz, makyungz daengj gij canjnieb donghsaeu miz daegsaek haenx bang nungzminz demsou baenzmiz.

(Vangz Gozsun/黄国顺)

Seizdoeng Lwgnyez Myauzcuz Ginhyin Muzlien Eiqceiq

Mboengqneix, gij gunghcoz duiyenz banggunz capyouq ndaw mbanj laeng Yungzsuij Myauzcuz Swciyen Ganhdung Yangh Dangjiuh Cunh Mbanjmyauz Vuhyingh haenx, gaenxmaenx cujiez gyoengq lwgnyez louz youq ranz camgya ginhyin, yungh ndwen ndeu ma muzlien gij ndangdaej caeuq eiqceiq gyoengqde. Seizneix, Yungzsuij gaenq haeuj seizdoeng lo, Mbanjmyauz Vuhyingh ceiq daemq cungj miz 4° baedauq, mbwn nit raixcaix, hoeng doenghgij lwgnyez neix cix mbouj laux nit, roengzsim bae lien, mwh yietbaeg le lij foenfoen dawz gobwnj okdaeuj unsaw.

(Vuz Siujsuh/吴小舒)



▲ Gyoengq lwgnyez Mbanjmyauz roengzsim lien.

Bingjlwgndae Gunghcwngz Moux Sou Ndae Baenz Fanh Maenz



▲ Boubndaemmak nyaengq dwk evagoeng bineilwendae.

11 nyied 28 hauh, youq laeng Gunghcwngz Yauzcuz Swciyen Gunghcwngz Cin Mungzgyah Cunh Mbanjcehdenz, gyoengqvunz ndaem mak cingq gyagoeng bingjlwgndae, guh dwk nyaengqnyatnyat. Bineix, aen yienh neix miz 20 fanh moux lwgndae ndaej sou, dawz lwgndae caiq gyagoeng baenz bingjlwgndae, moix moux bingzyaenz souhaeuj mauhgvaq fanh maenz ngaenz, bienqbaenz diuz roenloh nungzminz dangdieg demsou youqgaenj ndeu.

(Cwnz Ciminj/郑智敏)